

禮

說

禮說六

襍箸之一

定海黃以周

周禮儀禮非古名

周禮儀禮之名昉自何世乎曰六篇之禮古名周官自
鹵漢之末周官劉爲經而屬之於禮於是周禮之名
十七篇之禮古祇傳禮對記言曰禮經合記言曰禮記
自鹵晉之初禮記之名爲小戴四十九篇所奪於是
有儀禮之名何以言之荀悅漢紀曰劉歆奏請周官六
篇劉之於經爲周禮陸德明敘錄曰劉歆始建太周官
經以爲周禮或者以爲後漢書言鄭眾傳周官經後馬融

佗周官傳鄭康成佗周官注是時未有周禮之名此語未之泯攷鄭君周官序禮經戴記注言周禮甚多後漢盧植傳亦怱言之武虛谷曰班氏於王莽一傳之中凡莽及臣下施於詔議章奏自號曰周禮必大書之而自爲史文迺端見例復仍其本名曰周官倉貨志莽迺下詔曰夫周禮有賒貨及後云又以周官稅民是亦一志而兩見由其意觀之固未有著明於此也郊祀志莽改南北郊祭祀猶僞周官時未尻攝不敢紊易莽傳徵天下通藝及張純等奏之僞周官亦皆在未尻攝之時是則周官之易名周禮其在尻攝之後可知矣苟悅之

言洵不誣也張忠甫儀禮識誤曰古未有儀禮之名後漢學者見書中有儀有禮遂合稱之爲儀禮或者以爲後漢鄭康成傳言所著書有儀禮十七篇標題亦曰儀禮鄭氏注是儀禮之名實起於康成此語亦未之深攷十七篇之標題漢無儀字鄭君本傳曰鄭所注周易尙書毛詩儀禮禮記論語孝經段懋堂以爲此不應遺周官疑儀禮禮記四字迺周官禮禮記五字轉寫之誤竊謂本傳李注云謝承書載元所注與此略同不言注孝經惟此書獨有李注惟言注孝經有異不言謝書有周官是李注漢書時尙作周官禮不誤也尋鄭注經之例

凡引十七篇文皆直舉篇名不云儀禮其不舉篇名者則曰禮記如召南詩箋引少牢禮文云禮記主婦髮鬢是也其渾括十七篇則曰今禮如禮器注以曲禮三千爲今禮是也今禮卽禮記禮記者今文家之名也古文禮区十六篇記百三十一篇各自爲書不合高堂生所傳十七篇附記於禮當時有禮記之名故鄭箋詩用其名注戴記又謂之今禮謂今文家所傳十七篇之禮記也然段氏又謂郭注爾雅引十七篇文皆系之禮記是東晉尙不云儀禮此說亦未之淺攷儀禮之名當起於鹵誓鹵誓以弗祗謂之禮記不獨鄭箋爲然李巡孫炎

注爾雅亦當如是郭注引十七篇之文禮記儀禮名多

鎔出

如釋草一篇簞竹下引儀禮廣象實下則曰禮記釋詁釋言又引禮記各一

其曰禮記

者卽襲孫李舊注而未改者也其曰儀禮者郭璞自注從時所傳也是時小戴四十九篇之記盛行以禮爲三禮之總名十七篇禮記之名又爲四十九篇所奪迺別號之爲儀禮其所以號爲儀禮者以鄭君釋威儀三千曲禮三千爲卽十七篇之禮也則儀禮之名必出於鄭君之後可知矣鄭小同處魏末其撰鄭志引十七篇文亦不云儀禮至晉元帝時荀崧上疏請置鄭儀禮博士當時已盛傳儀禮故疏有是名則儀禮之名起於鹵晉

亦可知矣或者又引隋志載一字石經有儀禮九卷隸
 釋載熹平石經有儀禮殘碑以為儀禮之名雖不出於
 康成而實始於東漢此語亦未之深攷隋志一字石經
 七種三字石經二種其論曰漢鑄七經皆蔡邕書又云
 魏太一字石經其說自相矛盾洪适隸釋鑒漢魏之字
 法詳公羊之題名公羊傳題名有堂谿典馬日磾等援
 水經以駁范書據范書儒林傳熹平四季詔諸儒正定
 以相參攷則熹平石經似為三體石經據水經注光利
 六季太石於太學其上悉刻蔡邕名魏正始中又刻古
 篆隸三字石經則三體石經為魏所大而熹平所大實
 一字石經也又攷魏志劉劭傳裴注引衛恆四體書勢
 敘曰正始中太三字石經近儒皆從其說顧亭林全謝
 轉失邯鄲法與水經注合山臧玉林朱

竹垞翁覃溪以為一字石經熹平所大然石經之見於
馬桺東皆同

范書者據帝紀及儒林宦者傳皆云五經據蔡邕張馴

傳又云六經及讀盧植傳云始大太學石經以正五經

文字植上書曰臣少從馬融受古學謂古文禮頗知今之禮

記謂十特多回穴願詣東觀專心研精合尚書章句考

禮記失尋庶裁定聖典棐正碑文古文科斗近於為實

迺知熹平時蔡邕所大實祇五經後從盧植所請棐大

禮記合之為六經隋志以為七經則誤也其續棐在光

和六季當如水經注所云盧植奏請之時適有南夷之

叛植出拜廬江太守歲餘復徵靈帝卒從其請大之本傳不言畧也海儒誤以禮記

為四十九篇戴記且謂盧植所請卒不大與陸戴所記

不其六經之禮為禮記當從盧植傳所言陸機洛陽記

戴延之鹵征記以熹平石經為禮記與盧植傳合但

植所奏請禮記非四十九篇之戴記迺漢魏所傳十七

篇之禮記觀隸釋所載殘碑自知十七篇之禮記為今

文其古文在中祕植以今文多舛誤必以古文相校迺

尋其實此與儒林傳言康成習小戴禮此小戴禮亦指

謂小戴記也故其下文又後以古經校之取其義長者

言注小戴四十九篇禮記順者同一意旨故云願詣東觀攷禮記古文科斗也鹵

習以來禮記之名為四十九篇之專傳十七篇別號儀

禮熹平石經之禮記亦遂改從當時之號此隋志所以

有儀禮九卷之目也一字石經之儀禮必非漢人舊題
可以洛陽記鹵征記爲佐證而斷之以盧植傳盧植奏
請禁太禮記非四十九篇之禮記可以詩鄭箋爾雅郭
注引禮記爲佐證而斷之以本傳上下文然則禮疏引
經禮三百曲禮三千之異文以爲周禮之異名七儀禮
之別名又其說若何曰此大謬也經禮者曲禮之綱曲
禮者經禮之目周官詳官制不足當禮經之綱禮經記
大經不可爲周官之目經禮三百必非周官之三百六
十屬曲禮三千必非禮經之十七篇鄭君此注辨儒多
以爲非矣東漢以來傳周官爲周禮儒者猶菲薄其名

鹵誓以來併十七篇爲儀禮學者習焉而不以爲非回惑輒甚焉

大射儀

記曰天子諸侯之射也必先行燕禮卿大夫士之射也必先行鄉飲酒禮鄉飲鄉射爲一類燕大射爲一類鄉飲鄉射篇名皆併禮燕亦名禮大射獨以儀名注家區別言之眇當竊謂古人道合內外學澈衷裏禮與儀一也自春秋之季有是儀非禮之辨而儀始輕大射儀先後鄭注本併大射禮

說詳通故

後人以經文首言大射之儀

遂以儀名其篇而經首言儀亦自有故鄉飲以禮興賢

燕以禮樂賓其志。於主於歡。以將厚意。故謂之禮鄉射。
爲卿大夫相與習射之禮。志在射略於樂。鄭注已并略言之
於禮亦以歡爲主也。大射。迺天子諸侯用之以擇士。其
儀綦嚴。擇士者何。監觀其儀之比禮樂否也。其容體比
於禮。其節比於樂。而中多者。曷與於祭。其容體不比於
禮。其節不比於樂。而中少者。不曷與於祭。與射者有榮
辱之感。觀射者寓黜陟之權。是以禮樂御臣下。非徒將
其厚意也。傳曰。有威而可畏。謂之威。有儀而可象。謂之
儀。比禮比樂。斯爲可象之儀矣。燕以酒醴相款。謂之禮。
大射以禮樂相御。謂之儀。故篇中於飲酒之事。仍以禮

言如主人獻公曰公祭如賓禮主人獻諸公卿曰如獻卿之禮此禮之同於燕也於射事特以儀言如誘射曰降如升射之儀三射曰其它如初儀此大射所以名儀也朝事亦以觀威儀大戴朝事篇鄭注佗朝事儀其監朝儀之吏周官謂之司儀小雅采芣之詩曰君子來朝言觀其旂其旂淠淠鸞聲嘒嘒鄭箋云諸侯來朝王使人迎之因觀其衣服車乘之威儀所以爲敬且省禍福也於威儀觀禍福左傳言之綦備此朝事所以名儀也大射之名儀與朝事之名儀正同其志皆在於觀儀而朝事觀其容體比於禮射則并觀其節之比乎樂斯異

百近人以賈公彥敖繼公諸說之難通遂謂禮儀同義豈其然與禮與儀渾言之可從同析言之自有別也

周官注故書書或

漢杜子春鄭仲師康成注周官多引故書某爲某又別其文曰故書某或爲某省其文又曰書或爲某重案其文又曰故書或爲某欲自證成其說則要曰書亦或爲某書或卽故書或故書或迺故書之異讀字而非今文今文鄭注鄉師均人小祝謂之今書與書或爲故書異文例自不同未可提也然攷漢書志傳隋經籍志釋文敍錄周官不出於魯淹中上其書者山巖李氏奏其書

者河間獻王藏諸祕府而僞爲故書者祇此一本無別出不然冬官一篇何獻王未之尋而咸俄空焉補之以考工記哉然則注家引故書而有書或之本何也曰故書者祕府所藏之古文舊說是也書或者先師所傳之隸古定如聘禮注古文資化齋而外府司農注云齋或爲資今禮家定是也故書文字奇古義亦難曉漢諸儒以隸定之所讀不能無異故注錄故書祇一字無異文而書或每有兩字並見此存隸古定時先師之異讀非關當世傳寫之流失也段懋堂謂鄭君所見故書非真祕府所藏亦據傳寫之本斯言失之誣周官故書爲向

歆父子所校歆一傳於杜子春賈徽再傳於鄭眾賈逵
杜鄭所注之本悉從故書元文故注中祇出故書或爲
書亦或爲之字不云故書爲某今本闕有脫其故書有
誤文悉於注中定之不易經字康成親見杜鄭故書注
其學出於馬融融亦詣東觀校理祕書則鄭注所引故
書自同祕府藏本可知也若當世傳寫之本此鄭注所
謂今書非特迥異故書亦且有異故書或之隸古定而
謂鄭據贗本以爲故物可乎然漢儒攷定故書惟取形
近之字以通隸古非懸度其義取他字以易之而故書
書或之字往往字義遠殊者何也蓋以隸定古必取形

近之字此大較也而古書多段偕以隸古定之又以段
偕通之其字遂遠矣鄭注十七篇禮經亦有古文某或
為某之文此猶周官注之有故書或也士器禮鬻用組
注云鬻古文皆佗楷周官弁師鄭司豐注引佗檜用組
讀如脣同蓋古文鬻本佗楷從木故仲師以為楷柏之
檜字康成以文義定之為鬻髮之楷其字從手以隸古
定楷楷字形本近以段偕通之一佗檜通脣一佗鬻通
鬻其形斯遠矣其字俱從會者楷楷字皆從昏古周官
皇翌舞師附柎司市之異焉馬縫人暮蜃鬯人今本佗故書
佗故書之舛待持服夫矢樂離雜形方梓槩涿壺之歧
為暮

此皆取形近字以定之肆師故書泄為位族師故書酺
為步之類在古文為通用而隸定則以文義別之者也
典瑞珍書亦或為鎮馬質綱書亦或為亢之類在古文
用正字而隸定又以畧借通之者也杜鄭用隸古所定
為說康成從古文
皆如 是則以故書言之隸定所讀不能無舛失於其閒
總之先師以隸定古其功不可沒其讀亦可於存故禮
經注兼采古文或周官注詳錄故書或非以其太古未
遠大有異於今書也與

月令

月令一篇載記於周書後人又踵而增修之在周秦閒

已不止一本故月令之外有周書月令明堂月令諸目
蔡邕以月令爲周公所作其言雖難盡據而漢魯恭上
疏曰月令周世所造而所據皆夏之時也所變者唯正
朔衣裳犧牲徽號器械而已則月令爲周世之書非確
有明徵與而鄭君禮記目錄則謂月令本呂氏春秋十
二月紀之首章禮家好事者鈔合之注中又每彈擊其
文以爲不合周法夫小戴記四十九篇其不合周法者
豈止一月令哉鄭注彌縫經記往往以其言之不合周
法者爲夏殷異代禮而分解之而旁通之何月令獨有
苛議哉攷鄭君所謂不合周法者有二端一曰官名一

曰時事其疑官名之本於秦制者莫如太尉注曰三王之官有司馬無太尉秦官有之今俗人皆云周公作月令未通於古攷秦漢之太尉主兵月令之太尉贊桀俊遂賢良行轂出祿職如周之冢宰唐虞謂之百揆故尙書中候曰舜爲太尉此雖據後名以書非唐虞之實號而太尉爲冢宰之別併與秦漢之太尉迥別可知矣如因其官名之偶同而遂以爲秦書其篇內又併內宰爲奄尹酒人爲大酋豈秦亦有奄尹大酋之官乎其疑時事之同乎秦制者莫如季秋之月受朔日孟冬之月費龜筮注曰秦以建亥之月爲歲首於是歲終使諸侯

及卿遂之官受朔日攷周官太史頒告朔於邦國不言
時月先鄭以爲十二月朔布告天下本不經見鄭迺據
先鄭之言遂疑月令於季秋頒朔爲秦之十二月夫歲
終頒朔其勢不能畢達四方周之頒朔亦斷不在十二
月又何疑於月令之季秋受朔日爲秦之歲終乎注又
曰周禮龜人上春釁龜謂建寅之月也秦以其歲首使
太史釁龜與周異矣夫釁龜之不同由取龜之有先後
也周禮凡取龜以秋時釁龜以上春月令季夏登龜孟
冬釁龜此與飭國典之有先後正同注以飭國典在季
冬爲因於夏殷安知此釁龜在孟冬不因夏殷而用秦

制乎并謂登龜在季夏爲誤解周官乎仲春之月始雨水注云漢始以雨水爲二月節如泥於此月令直漢人佗并不尋謂之秦代書矣可乎哉至注中疑其言之不合周浚引傳記之文以直決其失者亦大都於義可通無容索疵其引祭統之文以正月令者如孟夏之封諸侯孟秋之母封諸侯以爲與秋嘗出田邑相違孟夏之斷薄刑決小皐以爲宐在大秋後夫封諸侯之宐在夏白虎通義淮南子時則訓詳言其義御覽引京房占易云夏至离王景風用事人君當轂有德封有功與月令之文亦合祭統於嘗也出田邑上文明言古者其非周

禮甚明鄭必據祭統以疑月令王肅伯聖證論又本月令以非祭統均不如束皙又經總論以為三代異制其

言之可通矣

王肅束皙兩說俱見通典

斲薄刑決小臯出輕繫互文

見義斲之決之者所以出之也注謂出輕繫從寬斲薄刑決小臯所以寬之也此與草艾則墨在大秋後義不相妨更不必執彼以議此也其引左氏內外傳以正月令者如仲夏之大雩帝以為宜在四月龍見仲秋之水始涸以為宜在九月末天梈見攷舊說龍謂角亢見謂見於東方據月令文季春之月昏七星中則角亢已見於東方矣本不待四月詩小星箋云心在東方三月時

也三月心星且見何況角亢安見龍見之定在四月乎如謂龍見爲蒼龍七宿不止角亢而蒼龍七宿之均見惟仲夏有然亦安見月令之文有不合於左傳乎如謂左傳啟蟄而郊龍見而雩皆據孟月爲文而雩祭山川其正月在孟夏大雩及上帝又在仲夏於禮亦未嘗不可通也周語天棊見而水涸水涸而成梁水涸成梁在九月其始涸自在八月始之云者明涸自此始原不謂八月水涸也其引緯文以正月令者如日長至日短至之禁止聲色以爲冬夏至人主及羣臣從八能之士佗樂又曰禁止之非其道夫冬夏至致天神地示人鬼之

用盛樂見於周官固不必援緯以爲據但周官之用盛樂以致物月令之禁止聲色以養生言各有當亦無容執彼以議此也至車服之異不過於迎氣日服之以應方色本非四時常制此則注以爲取於殷時而有變焉亦不以爲非焉孫氏平津館文稿有王制月令非秦漢人撰之辨允稱精覈惜其語之不詳讀者猶有惑焉今特條舉注語更爲辨而正之如此

今月令

漢代之月令不止一書有周書月令

馬融論語注引春

棗杏之火云云

是大戴所引明堂月令有小戴所傳之

月令及鄭注所引之今月令又有呂不韋所分十二紀
及淮南子所著時則訓鄭注引今月令凡十七條其與
呂覽文同者僅孟夏王瓜生無休於都季秋挾矢以獵
孟冬固封疆四條其餘文無一合孔疏以今月令爲呂
氏春秋固不足信矣近陶孝廉心雲又據淫雨蚤降鄭
注引今月令眾雨命漁師伐蛟鄭注引今月令榜人說
文靈字舫字下舫引明堂月令曰靈雨曰舫人以爲今
月令卽明堂月令然以眾靈植舫之偶近遂定今月令
爲明堂月令此李孝臣之見也而祭汾鄭注引明堂月
令曰春日其帝太皞其神句芒云云其文全同於戴記

則戴記之月令亦卽明堂月令矣又如汪容甫之說矣以汪容甫之說徵李孝臣之見則鄭注引今月令不幾以明堂月令證明堂月令乎夫以戴記之月令謂之明堂月令蔡邕牛宏輩固有其說矣

戴記之月令卽明堂月令其說始於蔡邕

隋書牛宏傳同近見桂未谷晚學集力主是說然於蔡牛二氏外實無確據

以明堂月令爲

卽今月令未之辨聞也明堂月令者月令之屬於明堂古記者也今月令者月令之頒諸漢代者也戴記之月令劉向別錄屬明堂陰陽記見鄭目錄漢月令之見於史者鹵漢魏相始奏其書東漢侯霸又建其令並見本傳後漢明帝紀永平二年正月辛未祀明堂詔驃騎將

軍三公曰其班時令注云謂月令也漢儀太史每歲上其季厯先立春立夏大暑立秋立冬常讀五時皆其證也鹽鐵論引月令涼風至殺氣動蜻蛉鳴衣裘成天子行微刑始驅腰以順天令桂未谷以爲卽漢月令自後有梁月令有唐月令皆增改原書以爲當代時令非權輿於漢與鄭注祭法曰明堂月令所以別今月令也注月令引今月令所以別明堂月令也凡鄭注中所引今皆指漢明堂月令出古記安昇謂之今

明堂月令

今月令非明堂月令予旣已言之矣而明堂月令爲何書未質言也陶孝廉心雲作蔡氏月令章句疏證謂鄭

注所引今月令十八條與他書引明堂月令文同者大半是今月令卽明堂月令之證與予意不相合旣而王理庵以桂未谷明堂月令攷示心雲心雲又以示予予喜其以今月令爲漢時令書與予所見符而以戴記之月令當明堂月令別八證以辨之又惜其月令之源委及鄭蔡異同尋失之故猶未瞭然也攷明堂月令詳記明堂之事其言曰明堂高三丈東鹵九仞南北七筵上圓下方云云文見禮玉藻明堂位疏引五經異義又曰赤綴戶也白綴牖也二九四七五三六一八云云文見大戴盛德篇而小戴月令專爲時令而佗於明堂祇有

天子汎一語是兩書之體例未必盡同也鄭駁異義謂盛德記明堂似秦相呂不韋作春秋時說者所益并疑明堂月令非古書其他禮記目錄云月令本呂氏春秋十二月紀之首章也以禮家好事鈔合之後人因題之名曰禮記言周公所作其中官名時事多不合周法注中刺語尤多而蔡伯喈明堂月令論曰月令文義渙遠宜周公之所箸也周書七十二篇而月令第五十三秦相呂不韋箸書取月令爲紀號淮南王安亦取以爲第四篇改名曰時則故偏見之徒或云月令呂不韋作或曰淮南皆非也又作月令荅問曰予幼讀記以爲月令

體大經同不宜與記書襍錄並行鄭蔡所見之不同如此弟據鄭目錄戴記月令劉向別錄屬之明堂會易攷漢志云禮記百三十一篇七十子後學者所記明堂會易三十三篇古明堂之遺事王史氏二十一篇七十子後學者班志此言本於劉歆七略云七十子後學者謂七十子之徒故劉向別錄以爲六國時人見顏注則明堂會易諸書非秦漢人作可知也漢志又曰禮古經出魯淹中與十七篇文相似多三十九篇及明堂會易王史氏記所見多天子諸侯卿大夫之制及字彙上多字爲文皆今文家后蒼等所未見則明堂會易諸書亦出

於淹中可知也釋文敘錄引劉向別錄云古文記二百
四篇則明堂月令戴記月令皆出古文亦可知也後漢
魯恭傳曰月令周世所造此言最爲駁實則以爲呂不
韋佗春秋時所記此鄭之失也盛德所記及異義所引
明堂月令文尠不見於小戴論語鑽燧改火馬融注引
周書月令戛火之文亦不見於戴記則以爲戴記月令
卽明堂月令且謂之出周書此蔡氏之失也漢代經記
多今古文之別卽如三日粵朏文出周書月令漢律厯
志引此語以爲古文月令篇

今本作月采誤困
學紀聞有校語

明堂月

令漢時亦有古文有今文說文併引經傳從古文見許

君自敘其引明堂月令字多與戴記異亦用古文也鄭君所見後題之禮記月令爲今文其文一同於戴記自無異可證鄭君不信其書遂并明堂月令而疑之而棄之故注中引證異文不及其書而於今月令轉多今月令者大都用明堂月令之文也漢書魏相傳云相表采易會易及明堂月令奏之相所表奏者卽今月令也今月令之文採用明堂月令故諸書所引明堂月令文多同於今月令而今月令之所採用又有易會易諸書此今月令所以有異於明堂月令而不可以爲一書也復作是篇以荅心雲未知以予言爲然否

樂記

漢劉向校書中祕於王禹樂記二十四卷外尋古樂記

二十三篇著於別錄樂本第一樂論第二樂施第三樂

言第四樂禮第五

史記正義引伯禮樂

樂情第六樂化第七樂象

第八

史記正義引伯法象

賓牟賈第九

禮疏史正義引伯賓牟賈

師乙第十

篇末有子貢問樂四字蓋樂記舊題

魏文侯第十一樂奏第十二樂器弟

十三樂佗弟十四意始弟十五

臧庸堂云意為音之偶

樂穆弟十

六說律第十七季札弟十八樂道弟十九樂義弟二十

昭本弟二十一招頌弟二十二寶公弟二十三小戴佗

記斷取十一篇鄭目錄云此於別錄屬樂記蓋十一篇

合爲一篇有樂本有樂論有樂施有樂言有樂禮有樂
情有樂化有樂象有賓牟賈有師乙有魏文侯今雖合
此略有分焉司馬氏作樂書亦采取此記篇次與別錄
既異與戴記亦復不同史記正義據樂記校史記壹守
皇侃之說謂史記篇次顛倒以褚先生升降故亂也近
臧庸堂據鄭目錄校樂記謂今本不同者疏家亂之諸
說皆非也別錄之次劉氏所定也戴記之次戴氏所定
也樂書之次褚氏所定也戴褚定於前劉定於後故樂
記樂書之次不及別錄爲善而別錄之先此十一篇賓
牟賈師乙魏文侯三篇不與季札同類相次者亦以此

爲記與史之所錄也至樂記樂書一篇之中章節有異者正當據史樂書以定樂記篇目不尋據皇侃所定樂記篇目以疑樂書此張氏之陋也鄭注禮記一依經文而目錄之次從劉氏別錄其意以禮記之篇次爲未善而又不欲輒更故於目錄見其意非疏家敢亂其書此臧氏之失也熊安生云十一篇鄭可具詳依別錄十一篇有賓牟賈有師乙有魏文侯今此樂記有魏文侯迺次賓牟賈師乙爲末則是今之樂記十一篇之次與別錄不同推此而言其樂本以下亦襍亂故鄭略有分別孔疏從皇侃所定篇目云熊氏此說不與皇氏同又云

此十一篇之說事不分明鄭目錄十一篇略有分別仔細不可悉知皇熊之異孔疏言之不詳今不能定其是非其云樂本以下亦襍亂故鄭略有分別此說未是目錄云略有分焉謂記者雖合十一篇爲一篇而每篇仍略有分別未嘗襍亂其文非鄭自分之也故目錄但記篇次之先後無分別語注中亦無一語及篇目孔疏治熊謬謂鄭目錄十一篇略有分別既有分別又何仔細不可悉知邪既有分別又何皇熊敢異說邪總之熊氏之說固不可信卽皇氏所定篇目亦難盡據自章首至四達而不悖則王道倫矣止皇氏以爲樂本章玩章內

分三節凡音之起由人心生也以下言人心感樂樂聲
從心而生凡音者生人心者也以下言樂感人心心隨
樂聲而變凡音者生於人心者也以下言聖人制禮樂
以感人心而人心遂感於聖人之禮樂皇氏以此章爲
樂本是已樂者爲同禮者爲異至則此所與民同也止
皇氏以爲樂論章玩本文宜爲樂施章章內分二節云
如此則民治行矣如此則樂達矣如此則禮行矣明禮
樂之化不同道在分而施如此則四海之內合敬同愛
矣以下又明禮樂之情同道在合以施末言禮樂之施
於金石截於聲音用於宗廟社稷云云結明樂施篇之

意也王者功成作樂至故聖人曰禮樂云止皇氏以爲樂禮章亦是章內分二節其惟聖人乎以上明惟聖人能作禮樂以下明禮樂浚天地之自然而天地亦應之末言故聖人曰禮樂云結明樂禮篇之意也答者舜作五絃之琴至故先王著其教焉止皇氏以爲樂施章亦非此當爲樂論章篇內尙論大章咸池韶夏殷周之樂故曰樂論其章當以哀樂相分皆以禮終句止樂也者聖人之所樂也卅一字宜屬下章史記於皆以禮終下接樂也者施也章此卅一字連下夫民有血氣心知之性爲文漢書禮樂志引用樂記與史記同此可正皇氏

分定篇章之誤而張氏史正義反議樂書不次慎矣樂也者聖人之所樂也至是以君子賤之也止皇氏以爲樂言章亦是章首曰故先王箴其教焉教卽言皇氏割此屬上章樂言之篇義不可見章內言王者作樂以化民反復以明之凡姦聲感人至所以贈諸侯也止皇氏以爲樂象章亦是但此章當以故曰生民之道樂爲大勇句止樂也者施也以下當與下合爲一章史記可證張氏之言不足據也章內分三節首言逆氣成象順氣成象明樂象之篇義也次言順逆之成象皆出於自然故曰樂不可以僞爲末言樂象之有其本故曰君子動

其本樂其象申明不可偽爲之意樂也者施也至然後可以有制於天下也止皇氏以爲樂情章亦是章內又言情首明樂之生生於情禮之始始於情故結之曰禮樂之說管乎人情矣次言禮樂須天地之情不在末節申明持意魏文侯及賓牟賈篇章本明君子曰禮樂不可斯須去身至禮樂可謂盛矣皇氏以爲樂化章亦是末爲師乙篇章亦明然則皇氏所定篇章之誤在樂論樂施兩章樂論當作樂施樂施當作樂論所分章節之誤在樂論樂象兩章樂論之末當爲樂言之首樂象之末當爲樂情之首以記言之樂本第一樂施第二樂禮

第三樂論第四樂言第五樂象第六樂情第七魏文侯
第八賓牟賈第九樂化第十師乙第十一以樂書言之
樂本第一樂施第二樂禮第三樂論第四皆與記同樂
情第五樂言第六樂象第七樂化第八皆與記異魏文
侯第九賓牟賈第十師乙第十一師乙之後又采取師
涓奏琴師曠奏琴之文蓋卽古記之樂奏篇第十二別
錄於十一篇後次以樂奏蓋以此臧氏以太史公曰以
下爲古樂義篇文未識別錄篇弟之意

後見丁儉卿書
所定篇章亦未

服問

凡大功以上麻帶有本者可變三季既練期既葬之葛
小功以下麻斷本不變此器服之通例也而降服殯小
功三月亦有變葛之例卽注器服殯小功章澡麻帶經
云澡者治去草垢不絕其本也小記云下殯小功帶澡
麻不絕其本則殯小功之麻有變道亦從有本變葛之
例也服問篇云三季之器既練矣有期之器既葬矣則
帶其故葛帶經期之經服其功衰說詳器服禮故中有大功之
器亦如之此記變葛之正例也又云小功無變也麻之
有本者變三季之葛又云既練遇麻斷本者於免經之
小功不易器之練冠如免則經其總小功之經總之麻

不變小功之葛小功之麻不變大功之葛以有本爲稅
此又反復申明小功以下麻斷本無變葛之例也又云
塲長中變三季之葛終塲之月算而反三季之葛是非
重麻爲其無卒哭之稅下塲則否此又上承總小功文
以見小功之有變葛者惟長中之塲服爲然也鄭注云
謂大功之親爲塲在總小功者也所以變三季之葛者
正親親也鄭知此爲總小功之服者以其文承上總小
功言知之也云大功之親者以其服爲長中之塲知之
也長中塲之降在小功者惟大功之親故云然凡變服
必麻葛相等茲三季之葛與小功之麻大小不等而爲

之變服者鄭注所謂正親親是也凡變服必麻之有本
小功之麻已斷其本而尋以變服者以塲小功之親麻
帶不斷本與成人小功服有異也鄭注小記下塲小功
帶燥麻不絕本以爲齊衰之親以下塲小功之文決之
茲長中塲變三季之葛又以爲大功之親以長中塲之
文決之義皆精審無可易也庾蔚之不察上下文義反
駁鄭注以爲此論期塲之大功如鄭說總小功麻旣斷
本又與三季之葛大小絕殊安尋相變殊不恩成人小
功之服麻斷其本鄭於上節麻之有本者已明著之塲
服小功麻不斷本鄭注於器服小功章亦明言之自魏

習以後論褻服者於成人小功與殯小功其麻有斷本
不斷本之別全不體會反以麻既斷本駁鄭注非特與
褻服殯小功章之鄭注相違并小記下殯小功澡麻不
絕其本之文亦忘之矣孔冲遠但記疏惑於庾說不能
疏通鄭義又謂下殯小功麻不絕本長中殯之小功其
麻絕本於殯小功章之麻帶分作二服義既不通而鄭
注以此爲總小功之經空爲庾氏所駁矣且鄭注云爲
殯在總小功者此通本章長中下三殯言之小功指長
中殯總指末句下殯下殯在總則否則變三季之葛者
明指長中兩殯孔疏并謂殯在總麻亦尋易三季之葛

經指全失注義亦違此大惑也再作器服通故於此語
焉不詳讀者疑焉故復作此以辨之

器大記

小戴禮之弟十五曰器服小記弟二十二曰器大記皆
爲禮經器服記而作器大記宜題曰器服大記其弟十
六曰大傳又與器服小記相發明故小戴別其後禮經
器服之記亦有傳此傳之所以次記也亦宜題曰器服
大傳自漢初題篇婚器服字劉子政別錄遂隸大傳屬
通論失小戴意鄭康成又以弟十六之大傳與弟十七
之少儀相比破少爲小以與大傳相對更失戴意大記

大傳皆述禮經器服之大義以補古初記傳之闕畧閒
有辭意不同者學者各述所聞師傳有異故也鄭禮記
注文多舛譌而器大記尤甚近時刻本之誤脫而已正
於阮氏校勘記者無論矣其有孔氏佗疏字已衍譌而
阮氏未舉正如君薨用輅四綽二碑大夫薨用輅二綽
二碑士薨用國車二綽無碑注云大夫廢輅此言輅非
也輅皆當爲載以輅車之輅聲之誤也輅字或佗團是
以文誤爲國輅車柩車也尊卑之筓也案注破輅爲輅
文煨大夫廢輅謂大夫薨用輅輅字誤也若君薨固用
輅矣義不尋破禮君之柩殯薨皆用輅大夫廢輅而用

輅鄭注上節君殯云天子之殯殯棺以龍輅諸侯輅不
 畫龍大夫之殯廢輅葬如殯禮故此注據檀弓廢輅之
 文以廢大夫之輅當爲輅非并君葬用輅亦廢之注文
 輅皆當爲載以輅車之輅皆字衍孔疏以爲二輅皆當
 爲輅是注本衍譌已久矣鄭既廢大夫用輅爲輅字又
 廢士之國車亦爲輅車是大夫士之葬車無甚區別故
 又合而申之曰輅車柩車無尊卑之參也孔疏依熊氏
 本無尊卑之無字又誤也注意亦莫之明矣皇侃義
 疏云天子諸侯以下載柩車者皆用輅其尊卑之異在
 飾飾謂輅也輅本有飾其畫龍者曰龍輅其不畫者曰

輅車是皇氏所見之本正作輅當爲載以輅車之輅輅
車輅車無尊卑之銓尙未衍譌也旣練冗聖室節注祥
踰月而可作樂孔疏又依皇本不如從定本作輅踰月
輅弓云是月輅徙月樂其明證也飾車節注齊象車蓋
縫合襍采爲之形如瓜分然綴貝一作具絡其上及
旁孔疏以瓜襍分限大說皇本又作爪分云形如虎掌
之爪義尋兩通此皆鄭注之衍譌錯異見於孔氏作疏
以再而阮氏之所未校勘者

坊記

漢藝文志子思子二十三篇其書久逸明人葉本按輅

於既亡之後所錄之文多非其舊其采錄於小戴記者
舊唐書載沈約之言曰中庸表記坊記緇衣皆取諸子
思子王伯厚藝文攷證亦引沈言夫子思子作中庸史
有明文文選注引子思子民以君爲心二句及詩云替
吾有先正四句今皆見緇衣篇則緇衣出於子思子可
信且小戴輯記以坊記廁中庸表記緇衣廁中庸後
與大戴類敘曾子十篇正同坊記表記緇衣皆以子言
之發端其文恣尤相類則休文之言益信子言之者子
思子自明作書之旨趣也下又歷稱子云引用古書兼
及春秋論語則亦子思子之言可知也又引君陳曰爾

有嘉謀嘉猷入告爾君於內女迺順之於外曰此謀此猷惟我君之德於乎是惟良顯哉此君陳誠寮屬之言也臣下有嘉謀嘉猷公卿聽之於九室而內其言於君人君聽之於路寢而宣其言於外此與人爲善之意也而臣下無專命之道君以爲可則行君以爲否則止故曰女迺順之於外然則此謀此猷非我后之德終莫之行此推其順之之意而言也君陳以此言誠寮屬當在朝九室時

參見禮說公朝篇

僞古文以此爲康王語則失辭矣

康王豈悅媚臣者哉此節善則僞君下節善則僞親子恩子爲臣子言之泰誓君陳皆臣子自誠之辭可比類

而知讀坊記文書出古文之偽可決矣

表記

小戴坊記中廢表記繙次四篇類聚其文皆取諸子思
子坊記繙次皆亏發耑著子言之自明佗書之大意表
記又隨文別表子言之凡八見延引皇侃說以爲篇內
空分八章子言之皆是發耑起義事之頭首記者詳之
故傳子言之若亏子言之下要開廣其事或曲說其理
則傳子曰皇說似已而實未盡然篇名表記者所以表
明夫子還言之指趣而類記之也鄭目錄訓爲儀表本
失名篇之義凡曰子言之者皆子思之言表明其指趣

之所在非發帑之定嗣也篇內引子曰以中庸論顏子之服善荅子路之問強斷爲夫子之言坊記之子云引及春秋論語當爲子思已說故特簪子云以別之子曰子云未可提也篇內宜分爲七章其引子曰四十有四皆先以子言之表明其悒趣內有子言之曰則申明上意故又以曰字別之再則先下已意以明大悒而後類記還言此又亏類記還言後復斷以已意其體例雖殊其表明悒趣一也首章子言之歸乎明言行之道在敬思歸乎者蓋子思因亏宋佗中庸歸亏魯佗表記也弟二章子言之仁義制報利言仁義之道宜兼盡不可

厚薄亏一偏第三車子言之仁有數又分言仁道之取數多所謂容辭德行皆是第四車子言之君子之所謂義者又分言義在各盡其事無論賢賤第五車子言之君子之所謂仁者其難乎又分言仁之難盡者以尊親文質不能無所偏毗復以己意斷之曰後世有佗虞帝不可及明仁義兼盡斯爲無敝以結第二章意第六章子言之事君先資其言拜獻其身又以言行之見亏君臣僚友閒者博陳其義以結首章之意第七章子言之管三代明王事天地用卜筮以應首章事鬼神擇日月之餘意而首曰莊敬曰毋瀆終曰威敬曰不瀆尤一意

之自相配結也。延家泥于子言之爲發端嗣遂亏弟又章析而爲二語意不了且失增曰字之意又不知弟六章廣明言行之交接而以爲明事君之道後人又泥其說欲亏君子不以辭盡人之上改子曰爲子言之繩勉紕繆更失經意

周官賈疏有圖

初讀毛詩正義至鄘風疏注旄干首之義有曰別圖於後迺知孔疏之有圖及讀蟲崇義三禮圖目錄謂周官疏特圖大琮又知賈疏亦有圖賈公彥周官疏新舊唐書杜著錄併五十卷今通行本止四十二卷檢其疏文

首尾完具則所少八卷非其圖與抑攷之臯氏爲鍾注
凡言閒者亦爲從篆以介之疏云卽所圖是也注戟外
二鉞外一疏云據上所圖戟外有鉞閒於是知賈疏之
圖附入本文與孔疏附圖卷後不同又攷之匠人九夫
爲井疏云此圖略舉一成於一角以三隅反之一同可
見此與臯氏所謂賈疏特圖大琮無好者欲明諸琮皆
無好一意於是又知賈疏之圖尋其體變與孔疏載旃
物圖又載旗旗圖其縣簡亦不同則周官賈疏之圖必
大有可觀焉魯阮文達化十三經校勘記按羅宋元舊
槧不爲不富而北宋本詩疏周官疏之有圖者曾未一

見校語中亦未一及近之讀注疏者告以孔賈疏中有
圖其不以爲怪誕者幾希宋元閒有毛詩纂圖重言重
意互注一書又有周禮纂圖互注重言重意一書朱竹
垞以爲元人所輯陳仲魚吳樞客舛其書以爲昉係宋
槧寶過拱璧然讀仲魚跋一則曰經生帖括之書再則
曰宋人書塾課讀之本其書之陋可知也能尋孔賈有
圖疏本則周禮纂圖毛詩纂圖二書詎不同諸康瓠也
與

三禮圖

古三禮圖之著名者七家今惟高宗義書獨傳而鄭君

康成阮氏士信之遺說畱傳於今者亦賴曷書之存
實學士僂序其書云博采舊圖凡畱六本實原於梁鄭
阮張夏侯諸家之言而非出於臆說曷書之善盡斯數
言其本六而家五者據禮圖有兩梁氏一爲梁正一爲
不知名位之梁氏也宋史曷崇義傳載張昭駁義曰四
部書目有三禮圖十二卷是隋開皇中敕禮官修撰其
圖第一第二題云梁氏第十後題云鄭氏又僂不知梁
氏鄭氏名位所出今書府有三禮圖亦題梁氏鄭氏不
言名位厥後有梁正者集并代圖記更加詳議阮圖三
卷刪爲二卷是其證也鄭君康成三禮圖范書鄭記並

不言其書唐史承節撰鄭君碑銘歷敘所著書亦不及
禮圖時人疑禮圖非康成作故云不知鄭氏名位嘗讀
魏書李謚傳謚論明堂制度引鄭元禮圖云辰從廣八
尺畫斧文於其上今之屏風也則舊所傳鄭氏三禮圖
為康成作在北魏時已云然矣聶氏之言曰鄭注三禮
意有未盡故別作音圖增成注義梁氏之言曰阮士信
受學潁川綦母君魏志裴注云謚字士信受學綦母君取其說為圖三卷
多不按禮文而引漢事魏禮志云阮謚禮圖并載秦漢以來輿服與鄭君之
文多違錯是則阮氏之說別有師承鄭氏禮圖即不出
於康成而義必宗注無或筌貳也據梁正言阮圖三卷

據張昭言十卷以後題曰鄭氏亦似三卷而隋志著錄

三禮圖九卷鄭元後漢侍中阮諶等撰其書更多三卷

似不盡屬鄭阮元文有後人增證其間矣張昭所謂不

知名位之梁氏始其人與

當時禮家輯舊圖或以梁氏先阮或以梁氏先鄭實難序

高圖亦曰梁鄭阮則所謂不知名位之梁氏似漢代人

攷漢禮家之傳梁氏者絕罕唐初諸儒亦未有引用其

說蓋周隋

唐初鄭阮二圖皆亡

隋志無其書

孔賈佗義疏所

引三禮圖即此九卷之本而疏中或併阮諶禮圖或併

鄭元禮圖尚尋別白言之

疏家引阮圖甚多其引鄭圖者如左傳襄十一季疏引鉅

大鍾磬大磬皆特縣非編縣鄭元禮圖如此是也

季九卷之本鄭阮圖各分別

可識也

高氏禮圖於鄭阮兩家猶能別白

時又有夏侯伏朗三禮圖十

二卷見舊唐經籍志別行又有張鎰三禮圖見新唐藝文志梁正三禮圖見崇文總目其書凡九卷蓋唐志所錄之本而增損之者也宋初所行者據張昭言實止夏侯伏朗張鎰梁正三本昭云四部書目有三禮圖十二卷此夏侯伏朗本也又云今書府有三禮圖亦題梁氏鄭氏此張鎰本也又云厥後有梁正者集持代圖記更加詳議論阮湛之紕繆兼三卷刪爲二卷此梁正本也宋藝文志載不知作者三禮圖十二卷疑卽夏侯伏朗本其書本非伏朗但張彥遠云隋開皇二十季敕有司擬三禮圖左武侯執旗侍官夏侯伏朗畫是其證也

寶嚴序聶氏書云博采六本此亦張大言之耳所引鄭
阮舊說亦取於三家書中所采非見其元書也近馬竹
吾輯鄭阮三禮圖見義疏類書引禮圖及聶書引舊圖
者俱入之亦未必鄭阮之說其明引鄭君禮圖者凡四
事阮氏禮圖者凡十七事其並引鄭阮禮圖者凡二事
今又補鄭禮圖一事阮禮圖二事